



GEMEINDE/VISCHNAUNCA
DISENTIS/MUSTÉR

La vischnaunca da Mustér dumbra rodund 2'200 habitontAs e schai sisum la Surselva al spartavias dils Pass dil Lucmagn ed digl Alpsu. Per ademplir las multifaras incaricas en connex cul menaschi ed il manteniment dallas sereneras e dils pumpadis encurin nus sin l'entschatta settember 2024 ni tenor cunvegrientscha

ina survigiladra/in survigilader dallas sereneras e dils pumpadis 80 - 100%

Alla vischnaunca da Disentis/Mustér appartegnan sper la serenera centrala a Raveras pliras sereneras e differents pumpadis. Sper la purificaziun dallas auas piarsas duei tenor pusseivladad vegnir adossau al menaschi dallas sereneras la survigilonza ed il menaschi dil center da rimnada a Raveras cul local da cadavers sco era ulteriuras incaricas en connex culs differents menaschis. '

Vos pensums:

- Survigilonza e responsabladad organisatoria dil menaschi dallas sereneras e dils pumpadis
- Planisaziun e coordinaziun da resursas e da personal
- Planisaziun dil manteniment dils implonts, liquidaziun da disturbis e da reparaturas
- Survigilonza dalla qualitat dallas auas piarsas (labor) e retscherca da datas da menaschi
- Organisar e prestar survetsch da pichet pil menaschi dallas sereneras
- Lavurs administrativas e coordinaziun culs uffecis responsabels

Vies profil:

- Vos disponis d'in examen professional ord il sector dalla tecnica ni d'ina scolaziun equivalenta cun entgins onns experientscha professionala
- Vos haveis absolvii ina scolaziun sco survigiladra/survigilader da serenera ni essas prompts da sescolar e da seperfectiunar cuntinuadamein en quei sector tenor las normas dil VSA (Verband Schweizer Abwasser- und Gewässerschutzfachleute)
- Vos luvreis a moda autonoma e fideivla
- Vos saveis luvrar culs mieds dall'elavuraziun electronica da datas (word, excel, outlook) ed essas prompts d'emprender da luvrar cun ulteriurs mieds electronics conform al temps ed al menaschi
- Vos haveis capientscha dils lungatgs romontsch e tudestg

Nus purschin:

- Lavur interessanta e varionta cun responsabladad
- L'introducziun davart il mandatari actual duei levgiar l'entschatta ell'incarica
- Temps da lavur flexibel e salarisaziun a norma dil temps e dall'incarica
- Nus promovin la scolaziun ed il perfectiunament sco specialist da serenera

Per ulterior sclariment stattan il menader infrastruttura Ervin Maissen, tel. 081 920 36 45 ni e-mail: infra@disentis.ch sco era il survigilader dalla serenera Aluis Cabernard tel. 081 947 57 31 bugen a disposiziun.

Persunas interessadas ein supplicadas d'inoltrar lur annunzia entochen ils **22 d'avrel 2024** agl uffeci infrastruttura e baghegiar, p.m. Ervin Maissen, caum postal 57, 7180 Disentis/Mustér ni ad infra@disentis.ch, cun aschuntar ils documents usitai.

Suprastonza communal Disentis/Mustér